

րակների հետ: 20. Ուրգուր հաթթական քաղաքը՝ Ուրգուր, Ուրգուլա, Ուրգանդից աւերակների հետ: 21. Սերպուլան՝ — Շիրարնէի, Չիրփուլիի հետ: 22. Սիւպարը՝ — Սպերի, Շուրանի, Շուրլիձէի հետ: 23. Քութին՝ — Կութի, Կուդրաշէն, Կուդաուր աւերակների հետ: 24. Քուֆան՝ — Կութա, Կուփա, Կուփի աւերակների հետ. եւն եւն:

Այս պատմական քաղաքների եւ աւանների անունները, որոնք յաճախ կրկնուած են ինչպէս Հայաստանում, Կովկասում, նոյնպէս եւ Ճորոխի Աւաղանում, ստիպում են ենթադրելու, որ սրանք ո՛չ միայն իրար հետ կապ են ունեցել, այլ իրարից են փոխ վերցրել քաղաքակրթութիւնը դարէկար. հետեւաբար սերտ յարաբերութիւն են ունեցել, իրարից ընդօրինակել ո՛չ միայն դիք ու դիցունհիք, այլ ամէն մի գիւտ եղել է ընդհանրական եւ իրարից օգտուած:

Եթէ 4000—5000 տարի անեղծ պահպանուած է Խալխալի, Փխունջուրի, Սպերի, Բազգատի, Անահիտի, Վարդապառների ու Վարդեհէրների անունները. ի՞նչի հաւատալ, որ այս գեղերի անուններն էլ անադարտ պահպանել են իրենց դարեւոր աւանների, բերդերի, ոստանների անունները եւ մեզ են հասցրել: Մանաւանդ Թորղումի, Ութիի, Կլարջի սոյն գեղերի մօտ լեռների մէջ գտնուած եւ փորուած անձաները մտի-